

et dolor eternus erit vobis. qui vos corona superbie coronatis. Wee vnd der ewich smertz wirt uch die sich mit der croen der hoerdiē kroenen. want sy werdent hier na mit der ewiger pijn ghekroent is dat sij sich niet besseren want wir enen die sinde wollent muden vñ eyn gudē will hant zo besserē mit eynē ganzē vorsatz so hebbe wyz johāns die godliche genade vnd kroen. Dar vñ lieue kind biddē wyz vnse here dat er vns hie vp erde verlene soellich besserung vnd boes. dat wir hie nae gekroent werden mit der ewiger kroenen mit sent steffen. Dat helffe vns der vader vnd der soen vnd der hyllige gheist Amen.

### Vp sent Johans

Dach die epistel

Qui timet deum faciet bona et qui continens est iusticie apprehēdet illam. Ecclesiastica xv. ca. Wer god vrucht der deit goit. vnd der ste de is der gerechticheit der begriffte sy. vñ sij begenet in als eyn erwidige moder. God wirt yn spijfen mit dem broide des leuens vnd der vernūfft vñ wyrt in drencken mit dem heilsamen wasser der wijsheit. vnd he wirt in im genestiget vnd niet geboecht. vnd he wirt in behalden vnd wirt niet verscheempt. vnd wirt in erheut vnd inniddel der kirckē wirt he vp doin sinē mont vnd der heer wirt in erullen mit dem geist der wijsheit vnd des verstands. Solam glorie indit

eum Joconditatem et exultationem thesaurisabit super euz. Vñ er cleidet in mit der stoelen der erē. Proelicher vnd vrende wyrt he vor eyn schatz machen ouer in. vnd mit dem ewigen namē wirt he in eruen der heer vnse god

### Vp sente Johans

Dach ewangelium.

In illo tempore dixit ihesus Petro Sequere me. conuersus Petrus vidit illum discipulū quem diligebat

Johannis v. Capitulo.

Der tijt sprach iesus zo petri. volge mir nae. Do keret sich petrus vñ vnd sach dē discipel den iesus lieff hat nae volghē der ouch vp sin bouz. restede in dē auent essen vñ sprach zo im here wer is der die dich verreden wirt. vnd doe petrus den discipel sach do sprach he zo iesu. Here wat sal disser. do sacht im iesus. ich wil dat he also blijf bis ich kōmen wat gheet it dich an. volch du mir na. Die rede gēge vyss vnder den broideren dat der discipel niet solde steruen vñ der here iesus sprach niet dat he niet solde steruē sonder he sprach ich wil in also lassen bliuen bis dat ich kōmē wat gheet dich dat aen volch du mir nae. Disser is die discipel d' geruychmis giffte vā desen dingen vnd he hat sy ghescreuen vñ wir wissen wail dat sijn geruychmiss war is

Blasa.